



Broj: 02-05-20278-45/18  
Sarajevo, 26.04.2018. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 – Novi prečišćeni tekst i 37/14), a u vezi sa Zaključcima Skupštine Kantona Sarajevo broj: 01-05-25024/17 i broj: 01-05-24243/17 od 31.07.2017. godine kojima su utvrđene mjere za sanaciju KJKP „Gradski saobraćaj“ d.o.o. Sarajevo i obaveze privremenog upravitelja, Vlada Kantona Sarajevo je na **123.** sjednici održanoj **26.04.2018.** godine, donijela sljedeći

## ZAKLJUČAK

1. Prima se na znanje Informacija privremenog upravitelja KJKP „GRAS“ d.o.o. Sarajevo o realizaciji mjera za sanaciju i reorganizaciju KJKP „GRAS“ d.o.o. Sarajevo za period od 14.04.2018. godine do 25.04.2018. godine.
2. Informacija iz tačke 1. ovog Zaključka, dostavlja se Skupštini Kantona Sarajevo.

**P R E M I J E R**

**Adem Zolj, Mr.dipl.ing.saob.**

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo saobraćaja Kantona Sarajevo
5. KJKP „Gradski saobraćaj“ d.o.o. Sarajevo  
(putem Ministarstva saobraćaja)
6. Evidencija
7. A r h i v a



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1



## **Informacija privremenog upravitelja KJKP "GRAS" doo Sarajevo o realizaciji mjera za sanaciju i reorganizaciju KJKP „GRAS“ d.o.o. Sarajevo za period 14.04.2018.godine do 25.04.2018.godine**

U navedenom periodu nastavljene su aktivnosti u cilju realizacije mjera za sanaciju i reorganizaciju KJKP „GRAS“ d.o.o. Sarajevo usvojenih Zaključkom Skupštine Kantona Sarajevo broj: 01-05-25024/17 od 31.07.2017.godine.

1. **12.** Obavezuje se Vlada Kantona Sarajevo da u Budžetu Kantona Sarajevo za 2018. godinu planira sredstva u iznosu od 6.000.000,00 KM za program zbrinjavanje radnika i participaciju sa JU Služba za zapošljavanje Kantona Sarajevo za penzionisanje uposlenika koji su stekli uslove za penzionisanje ili je određen broj uposlenih potrebno zbrinuti na drugi način (dokup radnog staža i dr.) a koji se pokažu kao višak nakon usvajanja nove organizacije i sistematizacije preduzeća.

**Aktivnosti:** Sredstva su planirana u Budžeta Kantona Sarajevo za 2018. godinu, te u tom smislu Ministarstvo saobraćaja Kantona Sarajevo provodi aktivnosti za dokup radnog staža uposlenicima kako bi se stekli uslove za penzionisanje istih. Do sada se ukupno prijavilo 5 (pet) uposlenika za odlazak u penziju pod navedenim uslovima (dokup radnog staža).

2. **15.** Obavezuje se privremeni upravitelj KJKP "GRAS" d.o.o. Sarajevo da u saradnji sa Sindikatom KJKP GRAS d.o.o. Sarajevo pregovara o smanjivanju rashoda za plate umanjivanjem plata uposlenih do izlaska preduzeća iz poslovne krize.

**Aktivnosti:** U periodu realizacije utvrđenih mjera plata uposlenicima je smanjena u bruto iznosu za 8 %.

3. **18.** Obavezuje se privremeni upravitelj KJKP "GRAS" d.o.o. Sarajevo da preduzme sve mjere organizacione i operativne prirode kako bi se osposobio što veći broj vozila za povećanje redovnosti i pouzdanosti održavanja linija na području Kantona Sarajevo, a informacije o održavanju registrovanih redova vožnje dostavljati svakodnevno Ministarstvu saobraćaja.

**Aktivnosti:** Pokrenute su aktivnosti za realizaciju navedenog, te se u tom smislu svakodnevno dostavljaju informacije o održavanju linija. Trenutno je najveći problem na održavanju minibuskih linija, kao i održavanju autobusnog saobraćaja gdje se od ukupnog broja registrovanih redova vožnje održava 85% registrovanih polazaka.

4. **19.** Obavezuje se Ministarstvo saobraćaja Kantona Sarajevo da se svi postupci o brisanju redova vožnje koje vodi Ministarstvo saobraćaja obustave na period od 180 dana, a nakon isteka tog vremena da Uprava za inspeksijske poslove Kantona Sarajevo za sve linije izvrši ponovnu inspeksijsku kontrolu i da se u skladu sa istim nastavi dalji postupak u skladu sa pozitivnim zakonskim propisima.

**Aktivnosti:** U skladu sa Zaključkom Skupštine Kantona Sarajevo broj: 01-05-25024/17 tačka 19. od 31.07.2017. godine, Ministarstvo saobraćaja Kantona Sarajevo je uputilo dopis Kantonalnoj upravi za inspeksijske poslove, odnosno nadležnoj inpskciji, da poduzme adekvatne mjere iz svoje nadležnosti u cilju realizacije utvrđene mjere.

5. 30. Obavezuje se Vlada Kantona Sarajevo i Ministarstvo saobraćaja da ustupe sva prava koja su vezana za kosi lift na Ciglanama Općini Centar koja će preuzeti upravljanje liftom.

**Aktivnosti:** Ministarstvo saobraćaja Kantona Sarajevo je potpisalo Sporazum sa Općinom Centar i Zavodom za izgradnju Kantona Sarajevo o preuzimanju kosog lifta na Ciglanama od strane Općine Centar. U cilju realizacije navedenog Ministarstvo saobraćaja je doznačilo sredstva Općini Centar u ukupnom iznosu od 150.000,00 KM.

6. 32. Obavezuje se privremeni upravitelj KJKP "GRAS" d.o.o. Sarajevo da izvrši detaljnu analizu poslovanja svih poslovnih jedinice i da poslovne jedinicu koja trenutno ostvaruje gubitak (koje su neprofitabilne) tj. korištenjem usluga od trećih lica (outsourcing) bi se smanjili troškovi, pokrene postupak ukidanja istih i za obavljanje tih usluga koristiti usluge trećih lica.

### **Tehnički pregled**

**Aktivnosti:** Vladi Kantona Sarajevo je dostavljen prijedlog Ugovora o zakupu stanice za tehnički pregled vozila u ulici Srđana Aleksića sa izabranim zakupcem, kojim je između ostalog pored mjesečnog zakupa regulisano i preuzimanje ukupno 8 (osam) uposlenika od strane zakupca, te pružanje besplatne usluge u periodu trajanja ugovora o zakupu.

7. 36. Obavezuje se privremeni upravitelj KJKP "GRAS" d.o.o. Sarajevo da trenutni prostor gdje je smješten sektor minibuskog saobraćaja a koji se ujedno nalazi na trasi "I transverzala" pokrene aktivnosti izmještanja istog na lokaciju u ulici Srđana Aleksića broj 1. Pored toga da u saradnji sa Ministarstvom saobraćaja – Direkcija za ceste i Zavodom za izgradnju Kantona Sarajev izvršiti obračun svih troškova za ekspropriaciju i izmještanje minibuskog saobraćaja po EBRD procedurama.

**Aktivnosti:** U cilju realizacije navedene mjere upućen je dopis KJKP "Gras" d.o.o. Sarajevo da poduzme sve mjere i aktivnosti i u potpunosti postupi shodno utvrđenim obavezama iz tačke 36. Zaključka Skupštine Kantona Sarajevo..

Sarajevo, 25.04.2018. godine  
Broj: 04-05-33390-4/17




Broj:01-05-24243/17  
Sarajevo, 07.08.2017.godine

VLADA KANTONA SARAJEVO

Dostavljamo Vam Zaključak koji je donijela Skupština Kantona Sarajevo, na sjednici održanoj dana 31.07.2017. godine.

DOSTAVLJENO:

1. Predsjedateljica SKS
2. Zamjenik predsjedavajuće S. Bukva
3. Zamjenik predsjedavajuće S. Delalić
- ④ Ministarstvo saobraćaja KS
5. KJKP "Gradski saobraćaj" d.o.o.  
Srđana Aleksića 1 Sarajevo
6. Sekretar Vlade KS
7. Sekretar Skupštine KS
8. Dokumentacija sjednice
9. a/a



PO OVLAŠTENJU SEKRETAR

Almira Kulovac Šetkić dipl. pravnik s.r.



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-055, Fax: + 387 (0) 33 562-210  
Sarajevo, Reisa Džemaludina Čauševića 1 1





Na osnovu člana 120. Poslovnika Skupštine Kantona Sarajevo („Službene novine Kantona Sarajevo“ br. 41 /12- Drugi novi prečišćeni tekst, 15/13, 47/13, 47/15 i 48/16), Skupština Kantona Sarajevo na sjednici održanoj dana 31.07.2017.godine, donijela je slijedeći

## ZAKLJUČAK

Obavezuje se privremeni upravitelj KJP "GRAS" Sarajevo da svaka tri mjeseca izvjesti Vladu i Skupštinu Kantona Sarajevo o provedenim mjerama sanacije u KJP "GRAS" Sarajevo.

Broj:01-05-24243 /17  
31.07.2017.godine  
SARAJEVO



PREDSJEDATELJICA  
SKUPŠTINE KANTONA SARAJEVO

Prof. Ana Babić





9/14

6.94.

02

Broj:01-05-25024/17  
Sarajevo, 21.08.2017.godine

VLADA KANTONA SARAJEVO

Dostavljamo Vam Zaključak koji je donijela Skupština Kantona Sarajevo, na sjednici održanoj dana 31.07.2017. godine.

DOSTAVLJENO:

- 1.Predsjedateljica SKS
- 2.Zamjenik predsjedavajuće S.Bukva
- 3.Zamjenik predsjedavajuće S.Delalić
- ④Ministarstvo saobraćaja KS
- 5.KJKP "Gradski saobraćaj" d.o.o.  
Srđana Aleksića 1 Sarajevo
- 6.Sekretar Vlade KS
- 7.Sekretar Skupštine KS
- 8.Dokumentacija sjednice
- 9.a/a



PO OVLAŠTENJU SEKRETAR

Almira Kulovac Setkić dipl.pravnik s.r.





Na osnovu člana 120. Poslovnika Skupštine Kantona Sarajevo („Službene novine Kantona Sarajevo“ br. 41 /12- Drugi novi prečišćeni tekst, 15/13, 47/13, 47/15 i 48/16), člana 7. Zakona o imovini Kantona Sarajevo („Službene novine Kantona Sarajevo“ br. 6/97, 9/98 i 5/10), člana 11. Zakona o upravljanju privrednim društvima u nadležnosti Kantona Sarajevo („Službene novine Kantona Sarajevo“, broj 8/01), a u vezi sa Zaključkom Skupštine Kantona Sarajevo broj: 01-05-20167/17 od 31.05.2017.godine, Skupština Kantona Sarajevo na sjednici održanoj dana 31.07.2017. godine, donijela je slijedeći

## ZAKLJUČAK

1. Obavezuje se Vlada Kantona Sarajevo da pokrene inicijativu prema Poreznoj upravi FBiH i Vladi Federacije BiH za donošenje posebne odluke kojom bi se izvršio reprogram obaveza preduzeća KJKP GRAS d.o.o. Sarajevo za neplaćene poreze i doprinose iz predhodnog perioda, na najduži rok za reprogram sa Poreskom upravom od dana potpisivanja sporazuma o izmirivanju obaveza, a rješavanje obaveza doprinosi za PIO na način da se izmiruju kako koji uposlenik ostvari pravo na penzionisanje.
2. Obavezuje se Vlada Kantona Sarajevo da pomogne u obezbjeđivanju sredstva u iznosu od 20 mil KM za izmirivanje obaveza prema Upravi za indirektno oporezivanje BiH (isplatom glavnice duga prema UIO stvara se mogućnost otpisa kamata) i Elektroprivredi BiH (isplatom obaveza prema elektroprivredi smanjili bi se troškovi za električnu energiju za 10%). Obezbeđivanje sredstava će se izvršiti izdavanjem garancija Kantona Sarajevo za zaduživanje KJKP GRAS d.o.o. Sarajevo ili zaduživanjem po osnovu unutrašnjeg duga ili na drugi način u skladu sa zakonskim propisima.
3. Obavezuje se privremeni upravitelj KJKP “GRAS” d.o.o. Sarajevo da u saradnji sa uposlenicima KJKP GRAS d.o.o. Sarajevo pripremi sporazum prijedloga vanskudske nagodbe sa uposlenicima KJKP GRAS d.o.o. Sarajevo o izmirivanju obaveza po tužbama radnika, na primjer: na način da bi se radnici odrekli kamata i 50% dosuđenog iznosa tužbe, dok bi se preostali dio tužbe u iznosu od 50 % isplatio u narednih 10 godina sa grejs periodom od 3 godine ili na način da bi se radnici odrekli kamata, dok bi se tužbe isplatile u narednih 15 godina sa grejs periodom od 3 godine ili na drugi moguć način.
4. Obavezuje se Vlada Kantona Sarajevo da Budžetom Kantona Sarajevo za 2018 godinu planira sredstva u iznosu od 20 mil KM za investiciona ulaganja u KJKP GRAS d.o.o. Sarajevo. Ulaganja će se izvršiti u skladu sa utvrđenim prioritetima koje utvrdi Ministarstvo saobraćaja Kantona Sarajevo, a koji će usvojiti Skupština Kantona Sarajeva.



5. Obavezuje se Vlada Kantona Sarajevo da pripremi pravni propis sa zakonskom snagom kojim će biti utvrđeno da se naknada za prevoz u svim pravnim subjektima kojima je osnivač Kantona Sarajevo i to za sve uposlene (bez obzira na udaljenost od mjesta stanovanja do mjesta zaposlenja) ostvaruje isključivo kupovinom mjesečnih ili godišnjih karata za prevoz. Naknada za prevoz će se morati obezbjediti za svakog uposlenika u pravnom subjektu kupovinom kupona kod javnog prevoznika uz mogućnost poduzimanja prekršajne odgovornosti za odgovorna lica pravnog subjekta koja ne postupaju u skladu sa propisom.
6. Obavezuje se Vlada Kantona Sarajevo da pokrene inicijativu prema Vijeću ministara BiH, Vladi Federacije BiH, te svim općinama u Kantonu Sarajevo u kojoj bi se tražilo da sve institucije i javna preduzeća u državnom vlasništvu koje imaju sjedište na području Kantona Sarajevo ostvaruju pravo na prevoz isključivo na način da se kupuje karta kod javnog prevoznika.
7. Obavezuje se privremeni upravitelj KJKP "GRAS" d.o.o. Sarajevo da pokrenu aktivnosti za korekciju parametra - mjesečni broj vožnji u jednoj zoni za pojedine kategorije putnika. Iako ne postoje detaljne analize o broju ostvarenih vožnji za pojedine kategorije korisnika, izvršiti procjenu korištenja usluga javnog linijskog prijevoza putnika i usvojiti nove parametre broja ostvarenih vožnji i iste primjenjivati do konačnog utvrđivanja broja vožnji za sve kategorije korisnika. U skladu sa Zakonom o komunalnim djelatnostima u Kantonu Sarajevo hitno pokrenuti sve aktivnosti za utvrđivanje cijene javnog prevoza putnika u skladu sa opravdanim troškovima poslovanja i svim ostalim elementima kalkulacije kako bi Vlada Kantona Sarajevo što prije odobrila nove cijene prevoza i kako bi se u što kraćem roku usvojio novi tarifni sistem javnog prevoza.
8. Obavezuje se privremeni upravitelj KJKP "GRAS" d.o.o. Sarajevo da u što kraćem roku pripremi novi sistem organizacije i makro organizacione strukture preduzeća sa maksimalnim brojem do 1.190 radnika u skladu sa postojećim raspoloživim brojem voznih jedinica u roku do 30 dana.
9. Obavezuje se privremeni upravitelj KJKP "GRAS" d.o.o. Sarajevo da u kontinuitetu kao stalan proces usklađuje broj uposlenih u preduzeća sa brojem voznih jedinica procentualno u zavisnosti sa povećanjem odnosno smanjenjem oba parametra.
10. Obavezuje se privremeni upravitelj KJKP "GRAS" d.o.o. Sarajevo da u narednom periodu u slučaju primanja novih radnika utiče na smanjivanje starosne dobi uposlenih u preduzeću.
11. Obavezuje se privremeni upravitelj KJKP "GRAS" d.o.o. Sarajevo da izvrši detaljnu kadrovsku analizu starosne dobi i radnog staža zaposlenika koji novom organizacijom nisu planirani i sačini plan zbrinjavanja prekobrojnih uposlenih za čije zbrinjavanje će biti planirana sredstva u budžetu.
12. Obavezuje se Vlada Kantona Sarajevo da u Budžetu Kantona Sarajevo za 2018. godinu planira sredstva u iznosu od 6.000.000,00 KM za program zbrinjavanje radnika i participaciju sa JU Služba za zapošljavanje Kantona Sarajevo za penzionisanje uposlenika koji su stekli uslove za penzionisanje ili je određen broj uposlenih potrebno zbrinuti na drugi način (dokup radnog staža i dr.) a koji se pokažu kao višak nakon usvajanja nove organizacije i sistematizacije preduzeća.





13. Obavezuje se privremeni upravitelj KJKP "GRAS" d.o.o. Sarajevo da vodi stalne aktivnosti u saradnji sa Zavodom za zapošljavanje Kantona Sarajevo i Vladom Kantona Sarajevo u program penzionisanja uposlenih u skladu sa pokrenutim procesom reorganizacije preduzeća.
14. Obavezuje se privremeni upravitelj KJKP "GRAS" d.o.o. Sarajevo da vrši usklađivanje rashode za plate sa ostvarenim prihodima.
15. Obavezuje se privremeni upravitelj KJKP "GRAS" d.o.o. Sarajevo da u saradnji sa Sindikatom KJKP GRAS d.o.o. Sarajevo pregovara o smanjivanju rashoda za plate umanjivanjem plata uposlenih do izlaska preduzeća iz poslovne krize.
16. Obavezuje se Vlada Kantona Sarajevo da iz Budžeta Kantona Sarajevo za 2017. godinu obezbjedi dodatna sredstva u iznosu od 7.000.000,00 KM (radi prevazilaženja pitanja isplata bruto plata – sredstva planirati kao pokriće gubitka), preraspodjelom sredstava ili izmjenama i dopunama Budžeta Kantona Sarajevo čime bi se omogućila nesmetana isplata plata uposlenicima preduzeća KJKP GRAS d.o.o. Sarajevo do kraja ove godine.
17. Obavezuje se privremeni upravitelj KJKP "GRAS" d.o.o. Sarajevo i Ministarstvo saobraćaja Kantona Sarajevo da hitno pokrenu sve aktivnosti na unapređenju informacionog sistema u KJKP GRAS d.o.o. Sarajevo, informatizaciji svih potrebnih procesa u poslovanju preduzeća te da u što kraćem roku poduzmu sve aktivnosti na uvođenju elektronskog sistema naplate u javnom prevozu putnika u Kantonu Sarajevo (u tok postupak javne nabavke), kao i za projekat sistema upravljanja i kontrole funkcionisanja saobraćaja te informisanja korisnika gradskog saobraćaja.
18. Obavezuje se privremeni upravitelj KJKP "GRAS" d.o.o. Sarajevo da preduzme sve mjere organizacione i operativne prirode kako bi se osposobio što veći broj vozila za povećanje redovnosti i pouzdanosti održavanja linija na području Kantona Sarajevo, a informacije o održavanju registrovanih redova vožnje dostavljati svakodnevno Ministarstvu saobraćaja.
19. Obavezuje se Ministarstvo saobraćaja Kantona Sarajevo da se svi postupci o brisanju redova vožnje koje vodi Ministarstvo saobraćaja obustave na period od 180 dana, a nakon isteka tog vremena da Uprava za inspeksijske poslove Kantona Sarajevo za sve linije izvrši ponovnu inspeksijsku kontrolu i da se u skladu sa istim nastavi dalji postupak u skladu sa pozitivnim zakonskim propisima.
20. Obavezuje se privremeni upravnik KJKP GRAS d.o.o. Sarajevo i Ministarstvo saobraćaja Kantona Sarajevo da hitno pripreme prijedlog optimizacije linija tj. optimalizaciju redova vožnje u cilju povećanja prihoda i smanjenja troškova koji nastaju kod realizacije istih.
21. Obavezuje se privremeni upravitelj KJKP "GRAS" d.o.o. Sarajevo da izvrši centralizaciju magacina u cilju smanjenja broja uposlenih i povećanja kontrole nad skladištenjem rezervnih djelova.



22. Obavezuje se privremeni upravitelj KJKP "GRAS" d.o.o. Sarajevo za provođenje mjera kojima će se povećati čistoća vozila, urednost osoblja i bolje informisanje o prevozu kao i da primijeni najbolje poslovne prakse u strateškom i operativnom radu preduzeća.
23. Obavezuje se privremeni upravitelj KJKP "GRAS" d.o.o. Sarajevo da donese etički kodeks o oblačenju i ponašanju uposlenika KJKP GRAS d.o.o. Sarajevo, te izvrši uniformisanje svih uposlenih koji rade u neposrednom kontaktu sa korisnicima usluga.
24. Obavezuje se privremeni upravitelj KJKP "GRAS" d.o.o. Sarajevo da uvede detaljnu kontrolu dolaska i odlaska uposlenika na posao i sa posla te najstrožije kazni one koji ne dolaze redovno na posao.
25. Obavezuje se privremeni upravitelj KJKP "GRAS" d.o.o. Sarajevo da organizuje urgentno istraživanje stepena naplate karti po strukturi korisnika, po linijama i redovima vožnje.
26. Obavezuje se privremeni upravitelj KJKP "GRAS" d.o.o. Sarajevo da u saradnji sa Ministarstvom unutrašnjih poslova Kantona Sarajevo unaprijedi koordinaciju i operativnu saradnju sa njihovim pripadnicima u cilju zaštite sistema naplate i stvaranja uslova za nesmetan rad vozača i kontrolora naplate u skladu sa odredbama kantonalnog Zakona o prekršajima i Zakona o ovlaštenjima kontrolora.
27. Obavezuje se privremeni upravitelj KJKP "GRAS" d.o.o. Sarajevo da dostavi prijedlog cjenovnika za komercijalne linije, a da iznos za jednu vožnju ne bude veći od 2,00 KM.
28. Obavezuje se privremeni upravitelj KJKP "GRAS" d.o.o. Sarajevo da izradi plan i dinamiku izmirivanja finansijskih obaveza prema dobavljačima u rok 90 dana i isti dostavi Ministarstvu saobraćaja i Vladi Kantona Sarajevo.
29. Obavezuje se privremeni upravitelj KJKP "GRAS" d.o.o. Sarajevo da preispita sve ugovore i način sticanja prava a posebno za reklamiranje na vozilima KJKP "GRAS" d.o.o. Sarajevo, te raskine sve ugovore koji su štetni za preduzeće, i da pokrene postupke protiv odgovornih lica za sklapanje štetnih ugovora za preduzeće.
30. Obavezuje se Vlada Kantona Sarajevo i Ministarstvo saobraćaja da ustupe sva prava koja su vezana za kosi lift na Ciglanama Općini Centar koja će preuzeti upravljanje liftom.
31. Obavezuje se privremeni upravitelj KJKP "GRAS" d.o.o. Sarajevo da izda prostor za društvenu ishranu trećim licima s ciljem ostvarivanja dodatnih prihoda od zakupa za poslovnu jedinicu koja trenutno ostvaruje gubitak.
32. Obavezuje se privremeni upravitelj KJKP "GRAS" d.o.o. Sarajevo da izvrši detaljnu analizu poslovanja svih poslovnih jedinice i da poslovne jedinicu koja trenutno ostvaruje gubitak (koje su neprofitabilne) tj. korištenjem usluga od trećih lica



(outsourcing) bi se smanjili troškovi, pokrene postupak ukidanja istih i za obavljanje tih usluga koristiti usluge trećih lica.

33. Obavezuje se privremeni upravitelj KJKP "GRAS" d.o.o. Sarajevo da uvede punu kontrolu ulaza u vozila na polaznim stajalištima za autobuski i minibuski saobraćaj putem službi kontrole, zaštitara i policije.
34. Obavezuje se Ministarstvo saobraćaja Kantona Sarajevo da u što kraćem roku pristupi izradi zakonskih i podzakonskih akata koji uređuju oblast javnog gradskog prevoza u Kantonu Sarajevo.
35. Obavezuje se privremeni upravitelj KJKP "GRAS" d.o.o. Sarajevo da pokrene aktivnosti vezane za rješavanje vlasničkih odnose, u vezi sporne imovine KJKP GRAS d.o.o. Sarajevo koju čini zemljište na Jahorini, hotel "Dalmacija" u Kiseljaku sa pripadajućim zemljištem i zemljište u Bačićima I eventualno druge nekretnine.
36. Obavezuje se privremeni upravitelj KJKP "GRAS" d.o.o. Sarajevo da trenutni prostor gdje je smješten sektor minibuskog saobraćaja a koji se ujedno nalazi na trasi "I transversala" pokrene aktivnosti izmještanja istog na lokaciju u ulici Srđana Aleksića broj 1. Pored toga da u saradnji sa Ministarstvom saobraćaja – Direkcija za ceste i Zavodom za izgradnju Kantona Sarajev izvršiti obračun svih troškova za ekspropriaciju i izmještanje minibuskog saobraćaja po EBRD procedurama.
37. Obavezuje se Ministarstvo saobraćaja Kantona Sarajevo da u saradnji sa svim zainteresovanim stranama izradi strategiju razvoja javnog prevoza u Kantonu Sarajevo.
38. Obavezuje se privremeni upravitelj da u saradnji Ministarstvo saobraćaja Kantona Sarajevo da pripremi plan investicionog ulaganja u javni prevoz putnika za period od narednih 15 godina, sa prioritetom hitne nabavke voznih jedinica.
39. Obavezuje se privremeni upravitelj KJKP "GRAS" d.o.o. Sarajevo da redovno informiše Ministarstvo saobraćaja i Vladu Kantona Sarajevo o broju prodatnih kaznenih karti te o broju pokrenutih prekršajnih naloga zbog voženja bez odgovarajuće karte.
40. Obavezuje se privremeni upravitelj KJKP "GRAS" d.o.o. Sarajevo da u saradnji sa Ministarstvom saobraćaja, Ministarstvom obrazovanja i Univerzitetom pokrene aktivnosti uvođenja obaveznog plaćanja studentima za korištenje usluga javnog linijskog prijevoza putnika i to prilikom upisa na visokoškolsku obrazovnu ustanovu.
41. Obavezuje se privremeni upravitelj KJKP "GRAS" d.o.o. Sarajevo i Ministar saobraćaja Kantona Sarajevo da nakon isteka 9 (devet) mjeseci od usvajanja ovih zaključaka izvjeste Skupštinu Kantona Sarajevo o realizaciji istog sa prijedlogom o nastavku sanacije ili prijedlogom pokretanja stečaja – likvidacije KJKP GRAS d.o.o. Sarajevo odnosno i ranije u slučaju da procjene da se zaključci ne mogu provesti i da se preduzeće ne može oporaviti i poslovati bez gubitaka u narednom periodu.



Pokretanjem stečaja – likvidacije KJKP GRAS d.o.o. Sarajevo, pokrenuti i aktivnosti formiranja novog preduzeća utemeljenog na ekonomskim principima (osnivanje novog pravna lica, osnivanje nova dva pravna lica ili dr.).

42. Ovlašćuje se privremeni upravitelj KJKP "GRAS" d.o.o. Sarajevo da preuzme sve nadležnosti upravljačkih struktura privrednog društva (Skupština KJKP "GRAS" d.o.o. Sarajevo, Nadzorni odbor KJKP "GRAS" d.o.o. Sarajevo i uprava KJKP "GRAS" d.o.o. Sarajevo) uz nadzor Ministarstva saobraćaja i saglasnost Vlade Kantona Sarajevo za donošenje odluka iz nadležnosti Skupštine i Nadzornog odbora KJKP "GRAS" d.o.o. Sarajevo.
43. Obavezuje se privremeni upravitelj KJKP "GRAS" d.o.o. Sarajevo da sve akte koje je donio KJKP "GRAS" d.o.o. Sarajevo a isti su na snazi uskladiti sa trenutnom pravnom situacijom i u roku do 30 dana dostaviti Vladi Kantona Sarajevo na saglasnost.
44. Obavezuje se Vlada Kantona Sarajevo da imenuje privremenog upravitelja KJKP GRAS d.o.o. Sarajevo na period od najmanje godinu dana.
45. Rokovi za realizaciju svih zaključaka je 90 dana za one zaključke za koje samim zaključkom nije utvrđeno drugačije.

Sarajevo, 31.07.2017. godine  
Broj: 01-05-25024/17

